



Savez izviđača Fedaracije Bosne i Hercegovine
Scout Association Federation of Bosnia and Herzegovina

pravilnik



o dodjeli
zvanja
priznanja i
odlikovanja

Broj: 19-10/22
Dana: 25.10.2022. godine

Predsjedništvo Saveza izviđača Federacije Bosne i Hercegovine na svojoj sjednici održanoj dana 25.10.2022. godine donosi:

PRAVILNIK

o dodjeli zvanja, odlikovanja i priznanja

I – Opšte odredbe

Član 1.

Ovim pravilnikom određuju se uslovi i načini dodjeljivanja priznanja i odlikovanja u Savezu izviđača Federacije Bosne i Hercegovine (u daljem tekstu Savez).

Član 2.

Za izuzetne uspjehe u radu na ostvarivanju programa Saveza, Predsjedništvo SIFBiH dodjeljuje sljedeća zvanja, priznanja i odlikovanja:

A) ZVANJA

- a) „Izviđač vitez“
- b) „Viteški odred“

B) PRIZNANJA

- a) Zahvalnica
- b) Zaslužni član
- c) Jubilarni izviđački znak sa vijencem za 10, 20, 30, 40 i 50 godišnji stalan i aktivan radu izviđačkoj organizaciji
- d) Plaketa

C) ODLIKOVANJA

- a) Srebrni javorov list sa zracima
- b) Zlatni javorov list sa zracima

II - Zvanja

Izviđač vitez

Član 3.

„Izviđač vitez“ je zvanje koje se dodjeljuje punoljetnim članovima SIFBiH, koji su poštivajući izviđačke zakone i Zavjete te sprovodeći Program rada SIFBiH ostvarili sljedeće:

- navršili 18 godina starosti;
- redovno učestvovali u radu odreda u protekle 5 godine;
- savladali program sva tri izviđačka krina;
- stekli najmanje 12 vještara,
- sudjelovali na izviđačkim akcijama u trajanju od najmanje 100 dana, od čega najmanje 50 dana na taborovanju (za Porječane plovidbe),
- učestvovali na jednoj akciji međunarodnog karaktera.

Član 4.

Oznaka zvanja “izviđač vitez” je metalna značka u obliku štita, na kojoj se nalazi znak SIF-BiH. Znak je “izveden” u boji.

Uz zvanje se dodjeljuje diploma formata A4 s odgovarajućim tekstom.

Zvanje se nosi na članskom traku.

Zvanje se može dodijeliti samo jednom.

Viteški odred

Član 5.

Zvanje “ Viteški odred” dodjeljuje se izviđačkom odredu koji je u protekloj godini ispunio slijedeće osnovne uslove i posebne uslove sa najmanje 1300 bodova:

Osnovni uslovi:

- Da je pravilno organizovan i radi u skladu sa Statutom i Programom SIFBiH-a,
- Da je član Saveza, što dokazuje redovitom uplatom članarine;
- Da su članovi odreda uniformisani prema Pravilniku o uniformama SIFBiH;
- Da posjeduje odredsku zastavu izrađenu prema Pravilniku o zastavama SIFBiH;
- Da se redovno održavaju sastanci upravnih i nadzornih organa odreda, godišnje Skupštine odreda;

Posebni uslovi:

- | | |
|--|------------|
| - Da su sve radne jedinice u odredu u toku cijele godine radile na ostvarivanju Programa Saveza kroz sastanke, izlete, priredbe, radne akcije, sportske i humanitarne aktivnosti, što je iskazano osvojenim odgovarajućim brojem letova, zvijezdi, krinova, Izviđača viteza, vještina, vještara, kao i da je odred uključen u život i rad sredine u kojoj djeluje | 300 bodova |
| - Da je sprovodio aktivnosti u cilju promocije i omasovljenja izviđačke organizacije na lokalnom nivou | 50 bodova |
| - Da je organizovao takmičenje federalnog, državnog ili međunarodnog karaktera samostalno ili u saradnji sa više odreda | 250 bodova |
| - Da je učestvovao u najmanje 75% takmičenja na nivou SIFBIH-a za koje je prevoz sufinansiran od strane Saveza | 250 bodova |
| - Da je na izviđačkom takmičenju van svoje sredine u toku godine osvojio jedan od pehara (1.-3. mjesto) u bilo kojoj od kategorija, na bilo kojem od takmičenja | 150 bodova |
| - Da je odred organizovao višednevnu aktivnost sa najmanje polovinom članstva odreda (ljetno ili zimsko taborovanje). Ukoliko odred nije u mogućnosti samostalno organizovati višednevnu aktivnost, zbog neposjedovanja vlastite opreme, da je organizovao višednevnu aktivnost u saradnji sa drugim odredom ili sljedećem organizacionom nivou (gradski, kantonalni, federalni ...) | 300 bodova |
| - Da je organizovao bivak, marš, pohod, kampanju ili drugu veću programsku aktivnost sa najmanje polovinom članstva odreda | 100 bodova |
| - Da odred pravilno i pažljivo koristi svoju imovinu, da se redovno vode odgovarajuće knjige po Pravilniku | 50 bodova |

- Da je ostvario saradnju sa drugim izviđačkim jedinicama u FBiH i BiH	50 bodova
- Da učestvuje na međunarodnoj aktivnosti i međunarodnoj saradnji u toku godine kroz akcije JOTA/JOTI i sl	50 bodova
- Da je učestvovao na Federalnom izviđačkom višeboju (ako je isti organizovan)	100 bodova
- Da je učestvovao sa barem jednim članom na izviđačko kadrovskoj školi bilo kojeg nivoa u periodu od 1 godine	200 bodova
- Da informacije o svojim aktivnostima objavljuje u medijima, na društvenim mrežama itd	100 bodova
- Da je učestvovao na aktivnostima SIFBiH (savjetovanja, seminari itd), ukoliko ih je bilo	50 bodova

Član 6.

Oznaka zvanja "Viteški odred" je platnena traka ljubičaste boje dužine 60, a širine 8 cm na kojoj je zlatnim slovima ispisan naziv "viteški odred za (navedena godina za koju je priznanje dodijeljeno) godinu".

Zvanje se nosi okačeno na vrh koplja odredske zastave.

Uz zvanje se dodjeljuje diploma formata A4 s odgovarajućim tekstom.

Zvanje se može dodjeljivati više puta.

III - Priznanja

Zahvalnica

Član 7.

Za poseban doprinos u jačanju materijalne osnove jedinica i Saveza (donacije i sponzorstva), za pomoć uostvarivanju programskih ciljeva i za afirmaciju izviđačke organizacije dodjeljuje se Zahvalnica.

Zahvalnica se dodjeljuje institucijama i pojedincima koji nisu članovi izviđačke organizacije.

Zahvalnica je veličine A4 formata štampana na papiru sa odgovarajućim tekstom: ZAHVALNICA.

Zahvalnica se može dodjeljivati i više puta.

Zaslužni član

Član 8.

Naziv zaslužni član izviđačke organizacije dodjeljuje se članovima izviđačke organizacije koji su tokom svog višegodišnjeg aktivnog rada uspješno obavljali rukovodeće dužnosti, radili na ostvarenju i unaprijeđenju izviđačkog programa i ostvarili rezultate od značaja za SIFBiH.

Znak je okrugao, promjera 32 mm, ovičen stilizovanim užetom, u sredini je znak SIFBiH. Znak je "izveden" u boji. U dnu znaka je natpis: ZASLUŽNI ČLAN.

Oznaka „Zaslužni član“ Saveza izviđača Federacije BiH se nosi na izviđačkoj košulji iznad lijevog džepa.

Uz dodjelu znaka članu se uručuje diploma s odgovarajućim tekstom.

Naziv Zaslužni član izviđačke organizacije može se članu izviđačke organizacije dodijeliti samo jednom.

Jubilarni Izviđački znak sa vijencem

Član 9.

Članovima izviđačke organizacije dodjeljuje se za 10, 20, 30, 40 i 50 godišnji stalan i aktivan rad odgovarajući Jubilarni Izviđački znak sa vijencem.

Jubilarni Izviđački znak sa vijencem je okrugli znak promjera 32 mm uokviren lovorovim vijencem u kojem se nalazi znak SIFBiH u sljedećim oblicima:

- Jubilarni Izviđački znak sa vijencem za 10-godišnji rad, ljubičaste boje
- Jubilarni Izviđački znak sa vijencem za 20-godišnji rad, boje bakra
- Jubilarni Izviđački znak sa vijencem za 30-godišnji rad, srebrne boje
- Jubilarni Izviđački znak sa vijencem za 40-godišnji rad, zlatne boje
- Jubilarni Izviđački znak sa vijencem za 50-godišnji rad, zlatne boje s lovorovim vijencem zelene boje

Jubilarni Izviđački znak sa vijencem je okrugao, promjera 32 mm u sredini je znak SIFBiH a iznad znaka stoji natpis sa jubilaranom godinom. Znak je "izveden" u boji. Uz jubilarani Izviđački znak sa vijencem dodjeljuje se i odgovarajuća diploma.

Jubilarni Izviđački znak nosi se iznad lijevog džepa.

Svaki jubilarani izviđački znak sa vijencem može se dodijeliti samo jednom.

Plaketa

Član 10.

Za posebno izuzetan rad, doprinos i pomoć u dugogodišnjem ostvarivanju programskih ciljeva i zadataka kao najviše priznanje, Savez dodjeljuje: Plaketu SIFBiH. Plaketa Saveza izviđača FBiH dodjeljuje se:

- Aktivnim članovima SIFBiH, koji postižu zapažene rezultate i poslije prijema odlikovanja „Zlatni javorov list sa zracima“.
- Zaslužnim preminulim članovima;
- Za posebno izuzetan doprinos i pomoć u dugogodišnjem ostvarivanju programskih ciljeva i zadataka na lokalnom i regionalnom nivou kroz podršku u finansijama, dobrima ili uslugama ne nižoj od 5.000 KM kao najviše priznanje, Savez dodjeljuje: Plaketu SIFBiH i:
- Zakonodavnim i izvršnim organima na svim nivoima vlasti;
- Inostranim ambasadama, humanitarnim organizacijama, skautskim asocijacijama, stranim firmama i sl;
- Domaćim organizacijama i preduzećima;
- Pojedincima iz javnog i društvenog života.

Član 11.

Plaketa SIFBiH je okruglog oblika i predstavlja prikaz izviđačkog tabora (šatori i jarbol), sa lijeve strane je lovorova grana, a u vrhu je znak SIFBiH. Plaketa je izrađena od metala zlatne boje, nalazi se u kutiji u kojoj je na pločici izgraviran naziv nosioca plakete.

Uz plaketu se dodjeljuje diploma s odgovarajućim tekstom.

Plaketa SIFBiH-a može se dodijeliti samo jednom.

IV – Odlikovanja

Srebrni javorov list sa zracima

Član 12.

Odlikovanje Srebrni javorov list sa zracima, dodjeljuje se članovima SIFBiH koji ispunjavaju sljedeće uslove:

- Da su članovi Saveza izviđača najmanje 15 godina;
- Da su posljednje tri godine bili posebno angažovani u realizaciji ciljeva i zadataka u svojoj jedinici ili u SIFBiH;
- Da su učestvovali u pripremi i realizaciji višednevne aktivnosti (taborovanje, zimovanje, izviđačka škola, takmičenje i dr.);
- Izuzetak od stava 1 su članovi koji su bili angažovani u formiranju izviđačke organizacije u sredinama u kojima organizacija nije postojala, te su iste zabilježile 5 godina kontinuiteta u radu od momenta prijema u članstvo SIFBiH-a.
- Da posjeduju pozitivne moralne karakteristike.

Član 13.

Odlikovanje „Srebrni javorov list sa zracima“ je značka okruglog oblika, prečnika 30 mm izrađen od metala srebrne boje. U sredini je znak SIFBiH iz kojeg se prema obodu pružaju stilizovani i reljefno izrađeni zraci.

Uz odlikovanje se dodjeljuje diploma s odgovarajućim tekstom.

Odlikovanje se može dodijeliti samo jednom.

Zlatni javorov list sa zracima

Član 14.

Odlikovanje Zlatni javorov list sa zracima, dodjeljuje se članovima SIFBiH koji ispunjavaju sljedeće uslove:

- Da su članovi Saveza izviđača najmanje 20 god.;
- Da je prošlo najmanje 5 godina od dana dobijanja priznanja „Srebrni javorov list sa zracima“;
- Da su doprinijeli realizaciji akcija od značaja za sve jedinice u SIFBiH i šire (smotre, međunarodna takmičenja, izviđačke škole i sl.);
- Da su svojim radom i ponašanjem pozitivan primjer mladima.

Član 15.

Odlikovanje Zlatni javorov list sa zracima je značka okruglog oblika, prečnika 30 mm izrađen od metalazlatne boje. U sredini je znak SIFBiH iz kojeg se prema obodu pružaju stilizovani i reljefno izrađeni zraci.

Uz odlikovanje se dodjeljuje diploma s odgovarajućim tekstom.

Odlikovanje se može dodijeliti samo jednom.

Član 16.

Odlikovanja Saveza izviđača Federacije BiH se nose na izviđačkoj košulji iznad lijevog džepa. Nosi se samo posljednje dobiveno odlikovanje.

Član 17.

Grafički izgled odlikovanja, zvanja, priznanja i zahvalnica definisani ovim pravilnikom dati su kao Prilog 1 ovom Pravilniku.

Član 18.

Prijedlozi Odreda i Saveza za dodjelu zvanja, priznanja i odlikovanja dostavljaju se Kancelariji Saveza na digitalnim obrascima koji se dostavljaju članicama prilikom raspisivanja konkursa o dodjeli zvanja, priznanja i odlikovanja.

Popunjeni obrasci se mogu dostaviti u elektronskoj ili pisanoj formi.

Obrascje jedinicama je dužna dostaviti kancelarija SIFBiH-a u elektronskoj ili papirnoj formi. Prilikom predlaganja zvanja, priznanja i odlikovanja uz odgovarajući obrazac prijedloga potrebno je dostaviti:

- odluku starješinstva/UO odreda o prijedlozima za zvanja, priznanja i odlikovanja,
- izvod iz registra udruženja građana (ne starijeg od 6 mjeseci),
- izvještaj o radu odreda za prethodnu godinu,
- u pojedinačnim slučajevima na zahtjev komisije kopiju ili scan originalne izviđačke knjižice predloženog člana.

Član 19.

Odlikovanja, priznanja i zvanja uređena ovim pravilnikom dodjeljuju se na prijedlog osnovne jedinice.

Prijedlozi se dostavljaju Kancelariji SIFBiH do roka koji definiše predsjedništvo SIFBiH.

Prijedlozi dostavljeni poslije ovog roka neće se uzeti u razmatranje.

Član 20.

Radi pripreme prijedloga Predsjedništvo SIFBiH-a formira Komisiju za priznanja.

Komisija broji 5 članova.

Član 21.

Komisija se bira na osnovu prijave dostavljenih na javni poziv.

Član komisije pored obavezujućeg uslova, stalnog aktivnog članstva u protekle 3 godine treba da ispunjava sljedeće uslove:

- da je nosilac odlikovanja „Zlatni javorov lista sa zracima“,
- da u godini u kojoj vrši dužnost člana komisije nije prijedlog za dobitnika zvanja, priznanja i odlikovanja,
- da nije član predsjedništva i načelstva SIFBiH-a.

Član 22.

Članovi komisije između sebe biraju Predsjednika komisije.

Član 23.

Komisija za priznanja SIFBiH ima za zadatak da procjeni pristigle prijedloge na osnovu odredbi ovog Pravilnika, te mišljenje sa obrazloženjima dostavi Predsjedništvu na usvajanje.

Član 24.

Pojednim istaknutim članovima izviđačke organizacije, organizacijama ili organima van organizacije uslučaju da ispunjavaju uslove predviđene ovim Pravilnikom, kao i za eventualne rezultate na unapređivanju rada i Programa izviđačke organizacije, a nisu ih predložili odredi, Predsjedništvo SIFBiH može Skupštini predložiti dodjelu odlikovanja i priznanja predviđenih ovim Pravilnikom.

V – Prelazene i završne odredbe

Član 25.

O dodjeli zvanja, priznanja i odlikovanja Saveza izviđača Federacije BiH vodi se uredna evidencija.

Uoči ceremonije dodjele priznatih zvanja, priznanja i odlikovanja, dobitnici su dužni donijeti izviđačke knjižice u koje ovlašteno lice SIFBiH-a upisuje i ovjerava dodijeljena zvanja, priznanja i/ili odlikovanja.

Ukoliko ovo nije izvodivo, predsjedništvo će uz pomoć svojih tehničkih službi organizovati upisivanje u knjižice ne kasnije od 90 dana od dana dodjele.

Član 26.

Troškove vezane za dodjeljivanje priznanja i odlikovanja u Saveza Izviđača Federacije BiH snosi Savez izviđača Federacije BiH.

Član 27.

Zvanja, priznanja i odlikovanja SIFBiH dodjeljuju se na svečanosti Dan Saveza izviđača Federacije Bosne i Hercegovine.

Član 28.

Ovaj Pravilnik stupa na snagu danom donošenja, a primjenjuje od dana objave jedinicama,

Predsjednik SIFBiH
Nermin Zagorčić - Pako

kada prestaje važiti Pravilnik o priznanjima i odlikovanjima ranije donesen.